

U G O V O R

za usluge štampanja omota spisa i ostalog štampanog materijala za potrebe
Ustavnog suda Bosne i Hercegovine

Zaključen između:

USTAVNOG SUDA BOSNE I HERCEGOVINE, Reisa Džemaludina Čauševića 6,
Sarajevo, koga zastupa Mirsad Ćeman, predsjednik Ustavnog suda (u daljem tekstu:
Naručilac)

i

„**ŠTAMPARIJA FOJNICA**“ d.d., Prokoški put bb, Fojnica, koga zastupa Šehzija
Buljina, direktor (u daljem tekstu: Izvršilac)

Član 1.

Predmet ovog ugovora je nabavka usluga štampanja za potrebe Naručioca po specifikaciji iz ponude Izvršioca od 29. juna 2015. godine, koja je sastavni dio ovog ugovora.

Član 2.

Jedinične cijene za štampanje definisane su prihvaćenom ponudom Izvršioca od 29. juna 2015. godine čija je ukupna vrijednost 2.970,50 KM bez PDV-a odnosno 3.475,49 KM sa PDV-om.

Član 3.

Izvršilac se obavezuje da će roba iz člana 1. ovog ugovora u potpunosti odgovarati traženim tehničkim elementima iz zahtjeva-poziva Naručioca za dostavljanje ponude broj P3-281/15 od 23. juna 2015. godine, odnosno da će odgovarati dostavljenim uzorcima po kvalitetu papira i dimenzijama.

Izvršilac se obavezuje da će poslove iz člana 1. ovog ugovora izvršiti najkasnije u roku od 35 dana od dana zaključenja ugovora.

Izvršilac se obavezuje da će Naručiocu sukcesivno isporučivati robu iz člana 1. ovog ugovora u prostorije Naručioca u ulici R. Džemaludina Čauševića 6, Sarajevo - III sprat, najkasnije u roku od 5 dana od dana prijema usmene ili pismene narudžbe, te da će istu pratiti potrebna dokumentacija.

Izvršilac se obavezuje da će dostaviti fakturu na osnovu otpremnice potvrđene od strane Naručioca da je preuzeo robu koja u potpunosti odgovara traženim tehničkim elementima. U slučaju odstupanja od uzoraka, Naručilac će vratiti materijale na ponovno štampanje o trošku Izvršioca.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po prijemu robe bez primjedaba i dostavi fakture, istu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 4.

Na odnose između ugovornih strana koji nisu uređeni ovim ugovorom primjenjuju se odredbe zakona o obligacionim odnosima.

Član 5.

Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine.

Član 6.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 7.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA IZVRŠIOCA


Šehzija Buljina
Direktor

Datum: 29.7.2015.g.

Broj: 116/15

ZA NARUČIOCA


Mirsad Čerčan
Predsjednik Ustavnog suda BiH

Datum: 28.7.2015.

Broj: P3-281/15

